

## Universitätsbibliothek Paderborn

### **Venerabilis Patris Thomæ à Jesu ... Opera Omnia**

Homini Religioso Et Apostolico Tam Qvo Ad Vitæ Activæ, Qvam  
Contemplativæ functiones utilissima, Duobus Tomis Comprehensa. In  
Qvibvs Singvlari Pietate, Varia Ervditione Clariori Et Breviori Stylo  
Continentvr Et Explicantvr ...

**Tomás <de Jesus>**

**Coloniæ Agrippinæ, 1684**

Prologus

**urn:nbn:de:hbz:466:1-38621**

VENERABILIS PATRIS

**THOMÆ à JESU**  
CARMELITÆ DISCALCEATI,  
INSTRUCTIO SPIRITALIS

Eorum, qui vitam profitentur Eremiticam.

## PROLOGUS



*Agnus & inestimabile Beneficium est, quod divina misericordia  
ijs præstat, quos in nostra S. Religione ad sacrum Eremitice vita ge-  
nue vocare dignatur; indicium enim & signum est manifestum, quod  
eos in suo servizio velit promovere, & magnis gratiis a favoribus  
cumulare. Istud namque præcipue intendit DEVS, & ob istum  
finem suos, à mundo abstractos, in solitudinem abscondit, ut non  
solum non ament mundum, sed ne oculis videant quidem, cum tamen  
virulentus sit mundus, ut in intuentes solummodo quasi Basiliscus  
venena diffundat.*

*Cur Dei  
nonnulli  
los ad vi-  
tam vo-  
cet Ere-  
miticam  
in fac-  
nostr. Re-  
ligione?*

*Multa  
servis Dei  
adferit  
mundus  
drama  
& impe-  
dimenta*

*Propterea inquietabat Sapiens Cap. 4. Fascinatio nugacitatis obscurat bona, & in-  
constans concupiscentia transvertit sensum sine malitia. Quodquid enim in mun-  
do est, & in mundo per agitur mendacium est, fascinatio est, incantatio est, quibus & ipsi  
iustorum, & servorum DEI sensus decipiuntur, fascinantur, incantantur. Mundus  
ad instar sirenum, canto suo suaviter mortifero, intuentum, & audientium animas  
peccato inficit, ac torpore resolvit. Denique tot, tam varias generat mundus occasiones,  
ut si justos ob speciem, & continuam divinae bonitatis providentiam & protectionem, ad  
peccatum deducere non possint, ad minimum ramen gravia impedimenta præstent, que  
ordinarie implicitam & terrenis rebus involutam animam detinent, & ab illa spiritu li-  
beritate & puritate, qua ad purum DEI amorem & contemplationem, amicabilemque  
cum illo conversationem præquiruntur, quasi pondere quodam gravatam, & pulvriem man-  
dibujus sordidatam, impediunt ac retardant. Et idcirco volens DEVS electam sibi am-  
mam favore prosequi, & verbo vita ac veritatis docere, per Osseam inquit Cap. 1.  
Ducam eam in solitudinem, & loquar ad cor eius.*

*Posset DEVS in medio civitatum mundanarum animam alloqui, & ipsam ad percipi-  
enda divina veritatis verba disponere. Verum extra ordinaria illa esset absoluta poten-  
tiae via, sed secundum ordinariam providentia sua dispositionem, animam quamcum fa-  
miliarius conversari, & intimis cordis penetrabilibus colloqui decrevit, prius de Egypto  
transfert, & in solitudine recondit, ubi omnibus occupationibus, & solitudinibus vacua,  
in magno silentio non potest non audire verbata divina, que DEVS loquitur ad corda ju-  
storum, qua non nisi in solitudine, & silentio percipi possunt.*

*commo-  
da, que  
solitudo  
præstat  
illadē*

*In istis his divina doctrina, & cœlestis magisterii colloquiiis infundit DEVS, bre-  
vissimo temporis spatio, arcana plurima, animaque sanctis virtutibus instructam, er-  
roribus & deceptionibus mundanarum vanitatum, & terrenorum affectuum expurgat,  
rerumque cœlestium, ac divinarum virtutum notitia illustratam elevat, quod Dominus  
per Ieremiam Prophetam Thren. 3, indicavit dicens: Sedebit solitarius, & ta-  
cebit, quia levabit super se. Quasi diceret, ego eum in quiete, & solitudini silentio  
sedere & requiescere faciam, sedebit solitarius & tacebit, quam divina bonitatis  
gratiam alia subsequitur: levabit super se, quia divina contemplationis pennis super se  
elevabitur, ut omne humanum transcendens, non solum Angelicus, & seraphicus spi-  
ritibus similius, sed etiam planè divinus efficiatur.*

*Referun-  
tur ex-  
mia, que*

*Finem dicendi invenire ne requiremus, si gratias, favores & beneficia, que DEVS  
in solitudine servis suis elargiri solet percensere vellemus; pauca tamen breviter que  
ex sacra scriptura colligi possunt dicenda sunt. David Psal. 54. Ecce, inquit, elon-*

gvi

gavi fugiens , & mansi in solitudine , & exspectabam eum , qui salvum me fecit à pugillanimitate spiritus , & tempestate . Videbat se David undique inimicis circumscriptum , plenum laboribus , & tribulationibus . & quod maximum erat tantum angustatum spiritus pusillanimitate , ut antiquae generositatis oblitus animum omnino despondere ; quid faceret tantum oppressus angustius , obfusus calamitatibus ? non aliud invenit malis suis remedium , quam fugere , elongare se , manere in solitudine , ubi sperabat sibi ad futuram divina misericordia gratiam , ubi cum certa fiducia expectabat eum , qui salvum eum ficeret à pusillanimitate spiritus , & tribulationum ac laborum tempestate .

Adjungamus his qualiter ad exemplum , cui conformari nos oportet . Christus D . Redemptor noster à Spiritu S . duxit sit in desertum , ut ibidem post orationem , ac jejunium egregiam admodum de viō diabolo victoriā reportaret . In solitudine preterea montis Thabor Christus Dominus transfiguratus est , & aspicientes neminem viserunt nisi solum IESVM , alias etiam ad orandum avulsum est ab eis .

In solitudine facta est manus Domini & spiritus ELIAE super Iohannem filium Zachariae in deserto ; in solitudine meruit precursoris IESV Christi nomen & gratiam . Vox clamantis in deserto . In solitudine zelo Domini successus S . P . N . ELIAS cum Prophetarum filii degebat , & etiamnum dedit cum Enoch , qui in solitudinem paradisi (ut inquit Scriptura Sacra ) translatus est . Abraham solus erat sub lice Mambre , quando tres vidit , & unum adoravit . Agar in solitudine Angelum vidit ; Jacob in solitudine mysticam illam scalam , Angelosque ascendentēs , & descendētēs contemplatus . in solitudine itidem cum Angelo luctatus est . Moyses in solitudine vidit mysterium Rubi incombusti , in solitudine montis Synai , in medio caliginis legem accepit . Denique in solitudine filii Israhel manna pasti sunt , columna ignis per noctem illuminati sunt , & in nube ab astu solis protecti sunt , innumeraque beneficia , & miracula à DEO acceperunt . Multa alta , aut , ut melius dicamus , eadem DEVIS in operatur , qui per sacram Eremitica vitę solitudinem ad superna promissionis patriam proficiuntur : ipsis enim DEVIS divinarum consolationum , & mirifica dulcedisni manna in penetrati cordis dulcissime impluit , & intimas anime medullas suavissimo rerum caelestium gustu irrorat . In isto Anachoretica solitudinē altissimo monte , in medio caligenosa contemplationis , quasi alteri Moyse , anima solitarie , legis tabulas , sanctam mandatorum suorum doctrinam , perfectamque voluntatis sua adimplitionem , digito virtutis sua exarat , non in lapideis , sed in carnalibus tabulis cordis . Hic duxit itineris columna ignis ardens , & lucens , non solum flammam , ardorque Charitatis , qua ut columna ignis continuo ascendit sursus , usque dum in corde divini amoris , tanquam in proprio centro requiescat , sed insuper Sancta Obedientia , qua quasi columna ignis , in illuminationem noctis dispellit errorum tenebras , docetque , ubi tuos securosque singulos figant passus , & qua , ne à via veritatis aberrent , progrederent clare premonstrat . Nubes , singularis illa est DEI cœli proteccio , qua potenti manu sua defendit , & sub umbra alarum suarum , ab astu concupiscentiarum protegit , & infernales , quos demones exsuscitant ardores , gratia sua nube temperat & extinguit . His alta mirabiliora potentia & misericordia sua opera adiungit DEVIS , qua nemo novit , nisi qui accipit , nemo intelligit nisi qui ea re ipsa gustat & experitur , qua gustabunt profecto , qui fideliter tam sancta & sublimi vocationi respondent , ac sacris vite solitariis exercitiis gnavoriter ac strenue insistunt . qua divina opitulante gratia hoc Tractatu breviter declarabimus .

\* \* \*